



東國李相國後集序

嗣子涵謹言大人平生所著多矣然大不收蓄

又爲人取去不還或焚棄之南集有焚蒿詩僅存十之

二三故難於編綴凡大人所嘗遊踐儒家釋院

及交游士大夫間無不搜覓得詩文凡若干首

分爲四十一卷編成前集侍郎李需序之集成

之後又得遺逸及近所著古律詩八百四十七

首雜文五十五首成後集十二卷噫脫不幸不傳

于世亦足爲一門子姓傳家之寶矣大人初登

第時嘗與西五同年將遊通濟院縣鞍馬和公

詩一句云寒驢影東碧山晚斷鴈聲中紅樹秋
四韻失聞此詩流入于宋大爲其宰相所賞此
少年時所賦特一首耳其賞如此况得見全集
乎又代琴學士讓官表云昔也帶雙學士有譏
越分者幾人今則無三大夫將復置賢於何地
此亦人所愛誦而皆不得全篇以附于此是一
恨也由此觀之其遺珠漏玉之不見者非止此
而已矣時辛丑十二月日知洪州事副使無勸
農使管句學事將仕郎尚食奉御涵謹序

東國李相國後集卷第一

古律詩一百五首

醉西施芍藥

好箇嬌饒百媚姿人言此是醉西施
露葩歌倒風擡舉恰似吳宮起舞時

松花

松公猶不負春芳強自敷花色淡黃
堪笑真心時或撓却將金粉爲人粧

江南逢故人

到處得逢新進易異鄉相見故人難
別來多少

添華皓名將霜鬚仔細看

竹筴

問渠端有千霄意何事橫穿壁罅生速削琅玕
高百尺免教饒客日求烹

寓天磨山有作

予辛巳年久寄此山至
自稱白雲居士時有此

作

世人但取山崔嵬迺以天磨而號之爾雖高高
千萬仞天可磨耶義不宜媧皇五色石鍊之補
天虧天虧尚可補豈肯相磨爲天下有山豈遁
象改曰遁崑何所疑我今來遁是亦晚二陰寢

長今方知

山夕詠井中月二首

連漪碧井碧崑隈
新月娟娟正印來
汲去瓶中猶半影
恐將金鏡半分迴
山僧貪月色并汲一瓶中
到寺方應覺瓶傾
月亦空

尋觀靜寺

飛禽影落澄潭底
歸馬聲喧綠樹間
過却前山疑有寺
前山過了又前山

送之上人還山乞詩

江山清勝招君去。天地寬閑放我嬉。想爾觀空
方默坐。是予顛倒醉狂時。

違心詩戲作

人間細事亦參差。動輒違心莫適宜。盛歲家貧
妻尚侮。殘年祿厚妓將追。雨霖多是出遊日。天
霽皆吾閑坐時。腹飽輟食逢羹肉。喉癢忌飲遇
深卮。儲珍賤售市高價。宿疾方痊隣有醫。碎小
不諧猶類此。揚州罵鶴況堪期。

贈希禪師

相逢未及問寒溫。笑道狂奴舊態存。

子於天壽
方丈常醉

狂師今一別五年無限思請看雙鬢雪初繁

代農夫吟二首

帶雨鋤禾伏畝中形容醜黑豈人容王孫公子
休輕侮富貴豪奢出自儂

新穀青青猶在畝縣胥官吏已徵租力耕富國
關吾輩何苦相侵剝及膚

花酒

酒爲詩羽翼花是妓精神今日幸雙值升天同
賣人

路傍二詠

大樹

好是炎天慙宜於惡雨遮清陰一傘許爲旣亦
云多

寒泉

南北行人喝寒漿當路傍勺泉能潤國無拜迎
堪嘗

折花吟

折得花枝作酒籌花枝未盡人先醉請君留却
最繁叢客惡何妨明日至必須滿插窮歡遊然
後送春無歎意爲問花心亦肯無慎勿負期輕

墮地君不見貴人園苑惜花深
兩惡風顛邦忍視

七月十三日與全朴兩君夜飲甥壻鄭
柔家翫月聯句

不期逢此夕何必待中秋
金未滿今宵鏡全伸
昨夜鉤李慧星驚已滅
纖靄喜初收朴驚起鵲
飛樹朗吟人倚樓
鄭有窓渾似畫無隙得成幽
李雲駛疑同驚天澄似共流
李素輪看欲挽清
景掬還休朴貴久盃頻倒
哦高筆屢袖全逢隙
輝易碎當午影應留
鄭想借銀橋入期將玉斧

修李桂高誰可折藥秘不容偷李賦詠同千古
嬋妍共九州難禁韓隴笛堪掉剡溪舟金螢
焰無由見蛩聲不耐愁朴但勤行酒令不用問
更籌李八月三五夜重來肯許不李

是日次韻全君有作無贈朴君

堅金硬鐵有時融君我交情萬古同三友已成
頭腹尾死生憂樂一身中

論詩

作詩无所難語意得雙美含蓄意苟深咀嚼味
愈粹意立語不圓澁莫行其意就中所可後離

刻華艷耳華艷豈必排頗亦費精思攬華遺其實所以失詩旨邇來作者輩不思風雅義外飾假丹青求中一時嗜意本得於天難可率爾致自揣得之難曰之事綺靡以此眩諸人欲掩意所置此俗寢已成斯文垂墮地李杜不復生誰與辨真偽我欲築頽基無人助一簣誦詩三百篇何處補諷刺自行亦云可孤唱人必戲

借名勸酒

爲引詩天子方斟酒聖人花王含笑勸鸞友但歌頻還債錢兄在留歡燈婢親竹君扶路返秉

燭月娥新

譙上人觀虛軒

礙則有所見虛則復何觀我初觀軒銘於意謂
未安詰師所以名此名不可刪山河本無形未
識初造端苟能循其本復於空可還空本合天
地剖判迺爲間還以實相觀天地即一般心觀
不以目何廓亦何闊妙一而獨知凡觀安可干

詩樂

樂讀作音
樂之樂

詩筵廣唱玉交鳴大勝金絲迭奏聲世俗不知
真樂在徒稱嘯月吟書生

酒樂

手拍肩搖拊髀多跳成舞節叫成歌此身自有
天生樂不用笙簫更倩他

慰高生下第

文場得失正如碁一敗寧無大勝時莫訝月娥
分挂盡明年那欠贈君枝

謝友人携榼見訪

眉展眉嚬全係酒眼青眼白揔由人蒙君挈榼
來相訪眼已迴青眉破嚬

嚴子陵

故人飛上九霄重

一作故人天
上化為龍

喚與同眠禁密

中一箇在奴猶舊態如何玄象動蒼穹

林秀才求金錢花移栽

金剪圓錢發此花天工用意一何多爾名未合
生吾宅好去人間富貴家

酒旆二首

春風斜拂酒旗青一望猶寬渴飲情無賴垂楊
搖眩綠不教詩眼見分明

但將百萬錢相擲豈問青帝得見不天上酒旗
猶傍柳綠楊相映亦風流

暮春病起二首

林鶯初至如新婦巢燕重來似故人景物漸佳
堪翫惜病中虛度百花春

病中虛度百花紅病起方驚一夢空唯有薔薇
餘數萼尚能嬌笑慰衰翁

二誠詩贈友人

予以燕伐燕酒色誠親友蠱人莫若色毒人莫
如酒丈夫貴壽身子可割斷不答云君之言百
不中吾意與其薄味生孰若快意死人生要有
死但存先後耳母謂生可娛焉知死亦如苟謂

生甚勞死逸迺良圖何必要其生枯槁守一軀
子言與吾左孰得孰失毀酒色人所嗜必以我
言适

路上棄兒

虎狼雖虐不傷雛何嫗將兒棄道途今歲稍穰
非乏食也應新嫁媚於夫
若曰今年稍歉飢提孩能喫幾多是母兒一旦
成簞敵世薄民漓已可知

江上月夜望客舟

官人閑捻笛橫吹蒲葦凌風走似飛天上月輪

天下共自疑私載一船歸

間批職僧犯戒被刑以詩戲之

勿論髮在與頭鬘好色人心揔一般不有如來
神呪力摩登幾已誤阿難

此髡謀拙被人擒國令何曾一一尋任遣生雛
皆壯大盡驅南畝力耕深

嘲李道士

道根未熟骨猶臃浪逐吾儕放酒顛莫把鼎丹
誇向我詩人自古盡神仙

與友人飲有僧乞詩

破除萬事千盃酒話盡文情一點燈飲劇言酣
無小暇咄哉還有乞詩僧

代別美人

不問儂歸幾日迴謾牽衫袖重徘徊千行玉淚
休多費作兩時時入夢來

頌赦日偶吟

何事平人反不平雞竿赦下欠吾名若教恩及
含毫士面試歌詞賜一觥

訪嚴師

此師稀置酒見我必置故以詩止之

我今訪山家飲酒本非意每來設飲筵願厚得

無泚僧格所自高。唯是茗飲耳。好將蒙頂芽煎。
却惠山水一甌。輒一話。漸入玄玄旨。此樂信清。
淡何必昏昏醉。

元日朝會退來有感

時爲千牛
參軍

久貪名利夢方酣。未去田園面自慙。白首猶居
百寮尾。藍衫木板趨朝參。

冷鞍敲鐙著鞭忙。雙闕相望尚杳茫。長嘯歸田
應不餒。一年耕得一年糧。

雪中訪金大年留飲

耄老渾無辨陰晴。不復占出門逢雪作行路犯。

晨嚴箭激風過耳花繁凍合髯不知飄翠帽何
暇望青帘賴有君家在都無惡客嫌語方成款
款飲漸至戢戢才迫寒飢逼俄遭醉飽無留髡
能不感冰滑足難黏

苦寒

水上寒風生一敵雪中暖酒直千金明年三伏
流金暑慎勿輕忘此日心

元日戲作

身上平生閱過年不知堆積在何邊假如野作
囊中算一一窮探反却天

過故奇相國林泉

今爲他有

相公曾此日開筵一擲青錢僅百千爲問華堂

誰幻出不如茅榭舊天然

公架茅亭於池上環坐飲酒可愛今以華屋換之

金釵零落歸何處珠履參羅記昔年我亦當時
陪飲客白頭重過淚如泉

病後飲席贈妓

酒能鼓舞狂吟興藥解飛騰久病身誰更將春
供老眼似花含笑玉顏人

次韻全履之遊安和寺

絕景無窮才有限山川入我苦吟中羨君頃刻

摹千狀豈是詩翁迺盡翁

示諸子

子若薦親天不知醴泉芝草何生地百家千史
行自窮先誦孝經深得旨

續夢中作并序

乙亥三月日夢遊深山迷路至一洞樓臺
明麗頗異問傍人云是何處也曰仙女臺
也俄有美女六七人開戶出迎入座苦請
詩予即唱云路入玉臺呀碧戶翠娥仙女
出相迎女等頗不肯之予雖未知其故遽

改曰明眸皓齒笑相迎始識仙娥亦世情
女等請續下句予讓於女等有一女續之
云不是世情能到我爲憐才子異於常予
曰神仙亦誤押韻耶遂拍手大笑曰破夢
追續之

明眸皓齒笑相迎始識仙娥亦世情一句才成
驚破夢故留餘債約尋盟

初帶屏作

望汝知幾日乘時到此身瞻前無別樣耀後爲
他人眼惜斑文背腰旋皂革頻連逢下馬客始

覺異常倫

七月三日詠風

間闊難逢六月天
入秋三日斗凄然
隣家童子渾多事
喜向長空送紙鳶

詠菊

春風三月百花紅
不及秋天菊一叢
芳艷耐寒猶可愛
殷勤更入酒盃中

耐霜猶足勝春紅
閱過三秋不去叢
獨爾花中剛犯節
未宜輕折向筵中

再遊興聖寺書壁二首

我昔閑遊一散人前集有遊興聖寺詩今來擁騎喝聲頻

予時爲亞卿待制寺僧揔換曾知面誰識當時短褐身

疇昔曾題一首詩詩今漫滅主人非壁破無詩再來
浣壁僧誰認唯有幽禽傍檻飛

走筆謝大王寺文師送炭

臘天銖炭價超翔千里殷勤寄草堂不獨炙炎
柔手足感他熏酒暖於湯

邇來方墮寒氷獄吒吒波波忍可堪忽荷德人
恩煦物滿家春暖似春酣

年年貺炭色如磬喜及寒兒與凍妻算得重恩

如嶽峻賽期遐壽與天齊

冬夜山寺小酌

華堂燠室宴連宵富貴中間味易銷何似山齋
深夜雪閑燒拙榼暖寒醪

飲席示小妓

十五女兒顏稍妍呼之使前佯不睜白首衰翁
何所爲不須多作嬌羞態

此已上收拾所得無日月先後

乙酉年監試考閱次有作

白晝關門作鎖闌麻衣猶向壁間窺偶逢佳句
沉吟久自惜微疵落下邳欲把直弦分枉正可

堪昏鏡混妍媸諸君亦各量才分勝出休喧謗

主司

一作有司

聞國令禁農餉清酒白飯

長安豪俠家珠貝堆如阜春粒瑩如珠或飼馬
與狗碧醪湛若油露洽童僕味是皆出於農非
乃本所受假他手上勞妄謂能自富力穡奉君
于是之謂田父赤身掩短褐一日耕幾畝才及
稻芽青辛苦鋤耨假饒得千鍾徒爲官家守
無何遭奪歸一介非所有乃反掘鳬莖飢仆不
自救除却作勞時何人餉汝厚所要賂其力非

必愛爾口粲粲白玉飯澄澄綠波酒是汝力所
生天亦不之咎爲報勸農使國令客或謬可矣
卿與相酒食猷腐朽野人亦有之每飲必醇酎
游手尚如此農餉安可後

後數日有作

昔人有登山嗔猿耗秋果處山食山實於理不
甚左翻思果之成本非猿力借嗔之與不嗔意
在可不可殺則異於是農夫所自化揔係力慢
勤不動無可奈清醪與白飯所以勸其稼口腹
任爾爲國禁何由下議雖出朝廷聖恩宜可赦

反覆思其理萬倍坐食者

奴逋

移都後

西江已渡僕逋亡應恐新京餒爾賜取雞折爰
猶未覓問渠何處固深藏

蕭家僕有馱嚴答猶鮮憐文莫敢離爾主才應
宜且去胡爲略不德吾慈

寓河陰客舍西廊有作

移都後予獨於
新京未構屋舉

家借河陰客館西
廊居之累月乃去

新京構屋日滋多猶似千蚕競作窠我豈孤獐
堪野處河陰官舍借爲家

數間虛館借西偏
榛莽深深碧
畝邊
瓢飲自寬

聊勉耳

時受祿未周屢在陳

從今始有偽顏淵

蟬

喜擇深深美蔭清
質何微小
韻何完

完一作鏗不知

孤客偏愁聽
移遍千林盡
日鳴

癸巳六月日喜兒子涵拜翰林

我踰強仕入花輓
今到黃樞亞相聯

予於兒拜日入樞密

計爾得除先七歲
好將長翮上鵬天

草堂即事

嬌娘撲蝶翩翩落
稚子黏蟬軋軋鳴
一卷殘書

和睡讀依稀漸作寢中聲

老憶舊友

雪髯孤叟暗思量未識故人誰得在少年忌老
憚相親獨坐無言思舊輩還有後生憎見汝少
年到此方始悔

次韻崔學士宗粹

和舊詩見訪

此詩乃
內願堂

大禪師廟雲首唱也公和二首予於禪
師方丈見之和一首屬公故公和三首
來訪予復次
韻去五月也

感君迴鈿勒訪我款茅堂坐久梅粧艷盃無桂
醕香相逢歡未洽重見話應長莫散頻來往家

才隔一岡

會見調金鉉何嗟滯玉堂

公久爲翰林學士

杏梅遲早

發蘭菊後先香經世子難免讓賢吾所長煩公

來見代歸老萬松岡

伊昔鶯溪巷相知自草堂

初自予妻兄晉君別墅受知

更遊

千里遠同翫一花香

金華漢山花柳事

曠劫舊緣厚平

生交分長莫忘吾沒後喫酒醉遙岡

左耳稍聾

年來已分鬢霜盈耳復將聾聽未明無限愁中

還有喜不聞人世是非聲

憶舊京三詠

天壽寺門前

春天三月送將歸，天壽門前景特奇。
柳色依依今在不，渭城三疊聽何時。

歸法寺川邊

年年學子等
夏課處也

故國荒涼忍可思，不如忘却故慙癡。
唯餘一段

關情處，歸法川邊踞送卮。

諸儒多會川上
垂足水中飲酒

安和寺連漪亭

連漪亭下水連漪，豈爲無人有損虧。
莫道泠泠

依舊響聞根不在。

不在一
作已斷

許聲誰

楞嚴經云
許聲曰聞

李大司成百順兩年門生等設筵慰座
主致政并邀公之舍弟學士百全予亦
叅赴醉後走筆亦座上云

李公兄弟似珠聯迭作司成迭試賢兄以大司成掌試弟

亦爾故云隸萼門生謂公之邀隸萼謂兩公史家應

作美談傳

夢與燈明裕首座論懷適有來人以詩

寄之

夢似空虛亦可援故人相見問寒暄不然萬水
千山外一覲猶難矧一言

省酒

獸聽人間謂酒狂邇來省飲亦無傷唯於放筆
高吟處一翻微推莫效張

睡次疾蠅二首

驅去還來力亦疲掩衾謀睡夢成遲十人身分
何須責飛墮盍觴自不知

貪逐腥膻捨汝誰點成緇白任渠爲蕭然衾枕
看何物侶集喧喧必睡時

新穀行

一粒一粒安可輕係人生死與富貧我敬農夫

如敬佛佛猶難活已飢人可喜白首翁又見今
年稻穀新雖死無所歎東作餘膏及此身

聞升酒聲

甕裏醲醑獸日芻呼兒壓得碧香浮始知真箇
忘憂物已在槽中滴破愁

漫成
八月

霜鬚一老漢身不盈六尺食祿凡幾何三百五
十碩有腹外腩然內實狹且窄尋常如病人不
過數匙食日飲三四盃以此度朝夕親戚與故
舊僮僕及兒息所仰唯老夫醉飽不自識是嘗

縱當
作從

天祿餘衆口房需液富貴爲他人古人言不忒
今朝炤清鏡顏色不如昨迨我一就木此屬皆
安適

詩癖

自知漸作痼疾猶不能自止故作詩傷之

年已涉綴心位亦登台司始可放雕篆胡爲不
能辭朝吟類蜻蛚暮嘯如鳶鷂無奈有魔者夙
夜潛相隨一著不暫捨使我至於斯日日剥心
肝汁出幾篇詩滋膏與脂液不復留膚肌骨立
苦吟哦此狀良可嗤亦無驚人語足爲千載貽
撫掌自大笑笑罷復吟之生死必由是此病醫

難醫

兒子涵編予詩文目題其止

離刻心肝作一家於韓於杜可堪過假教百世
行之盛身後浮名奈我何
草木同枯是我徒區區詩卷不如無茫然千載
能知不姓李人生東海隅

病中
丁酉九月

造物在冥冥形狀復何似必爾生自身病我者
誰是聖人能物物未始爲物使我爲物所物行
止不由已遭爾造化手折困致如此四大本非

有適從何處。至浮雲起復滅了。莫知所自。冥觀則皆空。孰為生老死。我皆堆自然。曰性循理耳。咄彼造物兒。何與於此矣。

又病中疾蠅

平生戢汝。逐人偏第一。深憎闔耳邊。病裏逢來重。值病滋繁此物。怨皇天。

又齒痛

人以食而生。食必以其齒。齒痛莫加。殄天殆使我。元剛折亦亡。經老豁更堪耻。餘有幾箇存。浮動根無寄。今者又復痛。延及頭亦爾。水寒不可。

飲湯亦不可試糜粥候冷熱然後僅能舐矧可
齧肉爲有肉空在扯是實老所然無身始迺已

有乞退心有作

我欲乞殘身得解腰間綬退閑一室中日用宜

何取時弄伽倻琴

我國琴名肖秦
琴子子弄之

連斟杜康酒

何以祛塵襟樂天詩在手何以修淨業楞嚴經

在口此樂若果成不落南面後者舊餘樂人邀

爲老境友

老妓

紅顏換作落花枝誰見嬌饒十五時歌舞餘妍

猶似舊可憐。才技未全衰。

老將

此與前篇
皆自况

當年身似鷲飛揚。東北曾馳百戰場。雪霽錯應
看箭影。天陰時復發金鏑。彫弓蛇蟄堂中掛。白
刃龍蟠匣裏藏。報國壯心長凜凜。夢中鳴鏑射
戎王。

鼠狂

長短句

畜貓非苟屠。爾曹欲爾見。猫深自竄。胡爲不遁。
藏穴壁穿。墉來往慣。出遊已云頑。矧復狂且亂。
闐喧妨我眠。竊巧奪人饌。猫在汝。敢爾實自猫。

才緩貓職雖不供汝罪亦盈貫貓可鞭而逐汝
難擒以絆鼠乎鼠乎若不悛更索猛貓懲爾慢

諭犬

我家雖素貧食祿許多斛恐爾舐穢物亦許日
食穀胡奈不知足盜我所藏肉戀主雖可尊巧
偷良不淑我有手中杖鞭之足令服守門任莫
重未忍加慘酷

九月二十七日夢削青竹作筆管不知
其數是何祥耶以詩記之

夢中自削碧琅玕作管千千提復弄江淹五色

筆可還及見紀君青鏤夢朝廷制作已無心更

事文章老安用

予欲乞退故云

次韻田祭酒

甫龍并序

予於去歲春場放榜後開賀筵李君需於
座上作賀詩明日學士和一首來贈予以
久病未和今方依韻奉寄

彤墀唱榜萃朝英第一聞公玉振聲

公首唱榜筭我

身更四座主

予掌試凡四度

榮君口放一門生春知歲

宴留花艷天爲迎賓賜日晴

是日朝大雨至迎賓時晴

華衣

見褒雖可感掄才吾豈較衡平

來詩衡鏡掄才奏通吳

詠雪

北皇應羨百花叢故學東君剪刻工直欲凌他

春造化剗裁六出示新工

飄空尚作先來霰撲地粗同厚著霜

是日微雪豈爲

澤微輕負喜亦知金闕賀新祥

東國李相國後集卷第二

古律詩一百五首

南軒戲作二首 并序

予常居室偏之南軒澹如也曰自號南軒居士或自稱南軒長老云

南軒居士計如何所蓄雖多舉最奢一作略淡

酒一壺詩一簾冲虛經卷與楞伽

頭禿身閑坐作趺不同僧處獨髭鬚南軒長老
修何業案有楞伽得解無

戲題舊筆

此筆拜輕擲能成宰相身
今吾頭亦禿兩老合相親

病中有作

殘骸骨立僅存皮
戾氣侵淫霧四支
夢裡精神疲枕蝶
病中喘息劣床龜
妻兒漸恠含盆少
朝野應譏解綬遲
不是不思閑適計
勢難辭去世誰知

十月二十日寫乞退表有作

已寫蠅頭字欲拋蝸角名
一言蒙許可衆噪耳譏評

次韻李學士百全

予未相時李學士百全以夢見予之拜相
來說予未信以詩拒之學士今方見和予

復次韻

平生所難得時至或非難伊昔駕紫車誰謂吾
轂丹昔日混雞羣誰謂遠揚翰矧予本放浪於
世無所干偶然取相位踰躒舊長官迴笑十九
年久滯蛾眉班唯子能聖知託以夢中觀此夢
非虛夢了了眼前看前言聊戲耳子肯於吾謾

以黃柑寄李學士百全

弄來唯是一跳凡品貴都緣遠到難數箇餉君
雖可愧玉池津液有時乾

紫殿年年侍宴迴面承君賜爛盈懷從今此事
應難得漢馬思休已乞骸

昨方上表乞退

學士見和親訪見贈復次韻奉答

阻得西山五色丸童顏一去得還難莫言此果

真仙物未遽輕身只解乾

來詩云仙菓迴迎九轉丸

病中光景幾環迴間無由得話懷聊遣木奴

通略訊反携酒聖訪殘骸

是日携酒

南軒偶吟

南軒長老日高眠起擁孤衾坐壞氍毹却紅鱗
方喫得半傾瓶醞已頽然

南軒屏客

昔爲丞相幃開閣退作閑人又杜門公不迎賢
私屏客釀成孤拙是南軒

十一月十八日曝日南軒欲覓題爲詩
曰披書冊遂得白字乃曰白者質也吾
方乞退將從本質愜吾志也遂以詠白
爲題復探得庭字爲韻賦之不覺多至
累句仍邀李侍郎同賦

質素由來貴丹黃勿要經主磨寧有玷璧碎不
渝形積雪鋪寒屋平沙布漫汀三冬冰正合八
月露初零杲杲當中日盈盈報曙星華堂崇璐
砌香寢擁銀屏詩老衰髯變佳姬醉面醒梨花
開滿苑柳絮落堆庭蚕緒抽難絳鮫綃織不停
謫仙名可記居易姓堪銘海滢鯨遺骨山陬鶴
墮翎道裝披羽服商律肅金刑石齒春奔瀨潮
頭起大溟雉來彰魏德蛇死哭秦靈粲粒方研
臼新刀始發硎悲絲應自惜歌紆亦宜聽縞帶
垂瑤佩瓊漿酌玉瓶邇來憎俗子無復眼迴青

黃驪縣宰柳卿老寄書標籤爲四字時
宰爲三初疑不受及發見實寄予書也戲

以一絕奉寄

千里貽書喜莫量誤三爲四似難當昔年我亦
曾經四三四籠狙也不好

燈前炤影

骨相難如畫頭形略似真蕭條一隻影榮辱備

嘗身

榮辱一作萬事

鏡中鑑影

未知形大瘦猶不愧於人今日鏡中炤翻慚見

自身

見冬至曆

方是今年冬至旦已看嗣歲序鱗時逆知日月
將何用未見此身生死期

一作曆上元
無生死期

次韻和白樂天病中十五首

并序

予本嗜詩雖宿負也至病中尤酷好倍於
平日亦不知所然每寓興觸物無日不吟
欲罷不得曰謂曰此亦病也曾著詩癖篇
以見志蓋自傷也又每食不過數匙唯飲
酒而已常以此爲患及見白樂天後集之

老境所著則多是病中所作飲酒亦然其一詩略云我亦定中觀宿命多生債負是歌詩不然何故狂吟詠病後多於未病時酬夢得詩云昏昏市衾底病醉睡相和服雲母散詩云藥消日晏三匙食其餘亦倣此予然後頗自寬之曰非獨予也古人亦爾此皆宿負所致無可奈何矣又白公病暇滿一百日解綬予於某日將乞退計病暇一百有十日其不期相類如此但所欠者樊素少蠻耳然二妾亦於公年六十八

皆見放則何與於此時哉噫才名德望雖
不及白公遠矣其於老境病中之事往往
多有類予者回和病中十五首以紓其情

初病風 順和

天方散此翁虛熱幸而攻 疼癢滿身是
虛熱所致 瘡似通

身疥搖嬾顫手風 往往
手搖 案唯堆藥餌庭不剗蒿

蓬冬暖蠅猶在相謀到枕中

枕上作 順和

曉寒衾底怯擡頭漸近烘爐手足柔閑却幽房
猶未出悔他當日不窮遊官如樊礙何妨脫身

似孤雲本自浮莫信夢中蕉覆鹿那知夜半壑
移舟憶曾閑跨尋花騎不惜輕拋換酒裘年少
狂顛真可詫病中追記頗寬憂

答閑上人問病以答客問病代之

愁入眉頭鎖不開只緣無客挈壺來此身微恙
何須問七十衰羸未是灾

病中五絕

順和

當年步捷鮮人隨語與詩然世共知

昔朋伴間
目予爲三

捷步捷語
捷詩捷也

平日謾誇三捷在獨於沉痾得痊遲

餘喘雖微欲絕絲壽殤脩短在天爲世人只抱

貪生志老死猶同夭死時

酒澆焦涸吻長濡詩引風流思不枯唯是癯身
肥不得患緣身有不如無

筭量千事暫妨眠不是觀空衲子禪唯喜得添
閑氣味簿書那到退翁前

豈爲微病特地憂步歌唯礙出門遊出門未必
心開豁猶望滄溟去去舟

送嵩客 以送族僧之南代之

適來京輦似前期

甲午年自南來寓子家今方還

千里之南又

訪誰此去能傳消息否天涯生死杳難知

罷矣。以退藥與食代之。

兒勤進藥猶慵應。妻勸加餐亦莫聞。養得此身何處用。聚如漚點散如雲。

賣駱。以傷瘦馬代之。

白沙堤上幾年行。破廐天寒叫數聲。汝與主人俱老矣。相看瘦骨忽傷情。

放柳枝。以憶舊妓代之。

少年攜妓夢魂中。已是蕭然白首翁。紅頰翠娥何處散。落花飄蕩揔隨風。

就暖偶酌。以睡起酌酒代之。

睡罷南軒六尺床，欠伸方起已殘陽。
閑傾綠醕霞昇臉，細嚼黃柑雪入腸。
醉興暫來歌亦可，病容猶在卧何妨。
莫言神思都昏喪，二十年前事不忘。

歲暮呈思黯以曉贈來客代之

幸訪懸車老大夫

制未下然已

曉寒能飲一盃

無身歌步仄君休笑已免君門吏挾扶

漢相蔡義事

自解

順和

老境忘懷履坦夷，樂天可作我爲師。
雖然未及才超世，偶爾相侔病嗜詩。
較得當年身退日，類

予今歲乞骸時

冬至以新曆寄李學士百全二首

喜得明年曆寄他同調人予與君期君巡甲子

亥首下如身

君家非所欠奉寄意如何願効年年獻看公壽
漸多

十二月朔日蝕

陰陽消息理冥冥更有何辭問缺盈無可奈何
看漸既擊鉦猶以救爲名

眩眼不堪天上望低頭唯仁水中窺下臣得可

三才圖會卷二
安然坐還跪焚香到復時

既和樂天十五首詩曰書集背

今古相懸地各殊詞人襟韻暗如符樂天曾唱
吾追和何問詩朋有也無

又和樂天心身問答

心問身

世路煩君久擾然從今但許醉無眠如何先我
多衰弱我壯猶如始冠年

身報心

多幸如今作爾宮知應捨去六天中凌烟閣上

如圖像我獨留真自擅功

心復答身

人行底處不爲家所宅殘類棄者多
兜率天中吾若去古宮雖在奈如何

又和假滿百日停官自喜詩

老病支離壽七旬快哉今幸乞殘身
腰間誤怯猶垂綬頭上何妨大岸巾
無復喝呼喧里巷有時饋問謝親姻
懸車相位真難事莫道蕭條遇散人

次韻朴起注

文秀李侍郎需和詠白詩

堅皆依墨辨尚或自玄經宛若何郎面依然綺
皓形春迴玉藻觀秋入荻花汀蕙手揜衫露絲
鬚逐緝零曝黃衣化雪掃黑局鋪星遠浦平拖
素濃雲巧展屏生虛坐自閑浮大飲難醒瓊液
看斟盃寬裳問舞庭好教恍氏鍊端遣染工停
入相沙堤築登封玉牒銘驕偷唯兩髀鵲竊只
雙翎日作三光主霜司萬物刑毫飄詣兔窟毛
洒認鵬溟下布門誠壯飛一作劉水自靈宛溪
紗稱紬淘浪石宜研食藿駒堪繫鳴皋鶴可聽
牛酥糜滌鼎人面酒盈瓶司馬稱呼鄙何須更

孟青

次韻李學士百全見和寄曆詩

依然十二辰各管萬千人
愷悌神所勞知公壽
萃身

我齒迫相逐

公長我一年

容毫間幾何那將一日長

獨享百年多

硯破

墮落已無及提攜未遽捐
詩腸如未破何石不堪研

十二月十二日馬斃傷之有作

前所傷瘦馬也

吾欲退懸車一昨方上書上書未云幾我馬忽
然殂吾雖已莫騎棄去何早歟惻惻傷我懷出
門久踟躕天以老佚我奪我所曾跨如今伏枕
時捨爾亦或可若也有所如吾豈徒行者此生
事可知老境反無馬

南軒獨酌戲作

濃醅始熟待交親肯有何人訪散人莫笑孤斟
猶得醉手能爲主口爲賓

次韻李學士百全葛侍郎南成林郎中

成韓和詠白詩

狎鷗聞海客相鶴有仙經幸與鵠同狀莫隨蠅
變形近依墻面聖遠及海屑汀大可爲雲布微
還作霰零秦尋誰擅將唐問孰鍾星河步凌波
韞亭張卧雪屏笏光朝未退窓色醉方醒懸瀑
飛廬岳驚濤壯洞庭濃肌浴始罷紫齒笑難停
爲谷言堪佩存機誠亦銘莊子五機心存乎孤
脣中則純白不備孤
標歸鷺毳閑態入鷗翎趙璧是宗屬蜀綿真典
刑玉京關上界銀闕聳東溟陰得昇虛魄陽資
掛曜靈梅_紅牙剪素冰絜豈礪_石愛見綠絲濯
生憎裂帛聽_水華裁布幔尚素碎金瓶我亦將

還質身猶解紫青

時全退故云

次韻李侍郎需翻詠白爲詠黑詩見寄

其序云公將還質以白爲慙志詠之黑

吾分也故以爲詠云

水宮元所寄灰劫已曾經露却梁妻面依他賈

后形墨山無爽岸

墨山山名黑石所出

沮水盡渾汀

沮水水名

又黑石所出

顏屋塵垢墮

顏回在破屋故云云

羊家炭屑零

羊誘屑炭爲數

氣能凌火宿德自應辰星鷗濕新書詔

蠅攢誤點屏雲鬢梳欲罷花眼眩難醒翳葉蟬

號樹占陰蟻戲庭筆騰揮轉速盧躍叱教傳遍

入硯池學深論文塚銘劉琬聚蒿埋入蟲唯得

首頭人為黑鳥族或專翎磬在石尤美鑿美石漆

目材自刑暝烟猶冠岫夕月未生溟夏戰驪充

馭湯興乙降靈岌冠初聳挂鐵柱冠研帽似磨

研圖出神龜負玄龜琴彈舞鶴聽玄鶴門宜鐵

作限器可死為瓶莫笑尉丞綬行將佩盞青

次韻李侍郎需又以前韻詠黃紅青三

色見寄皆押旁韻

詠黃

拓衣親廟瓊囊寶祕神經陰陽有禮士臺中滿

調元鼎上形菊開霜曉岸葦折露秋汀稻穗蝦

鬚亂提英鼠耳零濁河通上漢黃河與光道度

明星漢書黃道一名光道鵝殼頻傾盃羊燈正照屏燈金羊

鴛尋花校晚蜂啞酒還醒嬌彈長遺板衡柑偶

落庭色絲詞絕罕金縷唱何停元吉文堪說中

庸德可銘全成搏黍翰毛詩黃鳥于飛深讓

竊脂翎竊脂桑扈也斑文鳥龜印榮生開金龜雞竿詔教

刑閣袍司內觀黃門人貢摘渡重溟龍負圖呈

爛崔含環表靈坎玄歸所管震碧似將研五行

揚厄曾聞慣竹歌那忍聽人民凍死淪泥塗寺

館隨鑲貴鼎瓶雌閣揭名煥何憂不史青

詠紅此篇翻韻

螢焰夜披經蠟明晨鬱瓊署袍君德形湛林官

功滿湛讀作漸車之漸周禮冬官鍾氏漸林三

綵賞蓂花汀旋歸楓樹岸燃櫻艷不零笑杏開

初亂炳著南宮星煽成西邑漢羅帷錦繡屏霞

液玻瓈盃醉頰入難醒慚腮生未晚香祿歲內

庭輒事步障連脩板石崇錦灰死豈終停燎焚

當者罕燒丹竈孰銘元傑流陽東嶺洞谷銘結綺

閣宜翫日翥渴鳥翎火掀炎雀翰研砂主點刑

衣赭人搜閑彩蜃遠浮溟商雲飛繞觀翹冠鳳
德靈戴幘難文爛蝕刃土流硃飾毫紗映管鳴
嬉烏可聽尾熟牛難慣燒舌忌千瓶大玄云赤
舌燒城吐
水千粧顏居列館爲章必俟青爾勿獨誇煨命
瓶
有青赤
爲文

詠青

燎烟侵畢瓚新簡好裝經錢重價難滿芥甘名
更形莎將氈布岸荷作傘歌汀柳線搖還亂茶
塵碾自零風恬不起漢天靜尚無星蘇子井華
盈梁君碁子屏

蘇軾

蘇軾

身遊蓮界晚魂入玉壺醒未擬歸蘆板毛詩編

註云如薏也又方謀向筭庭朝紳紆尚罕史牒

汗誰停闔草戲爭翫伏蒲言必銘毳毼孔墮翰

跌跌翠搖翎官蓋期客閑童衣漏赦刑青蠅為

漏赦岫螺山對觀簷雀舫歸湏梁元帝詠船名

歸天遣藜燃爛仙回飢養靈道家以揚桐染飯

之資鏤華堪貢管梁紀初場夢陸儔以銅炆不

勞研心示援松慣詩嫌誦麥聽槐淘宜暑館竹

系稱寒瓶帝化崇文煥申之色尚青

次韻白樂天出齋日喜皇甫十訪欲飲

飢喫慵眠渴飲盃寧關佛法有遮開門佛法有遮

樂天齋出真堪笑齋在何邊更出來

紅柿寄同寮李相國仁植

顏肌雖爛味應慶為問君侯一嚼無自昔同遊

攀附久知公嗜好莫如吾公偏嗜故寄之

濟州太守崔安以洞庭摘見寄以詩謝

之三首

除却耽羅見尚難此摘耽羅遠來何況水程艱

貴人門閥猶稀得最感年年及老殘

圓於金彈紫堪珍猶似霜林始摘新呼作洞庭

尤可喜飲筵宜伴洞庭春

先生見督渡江淮更有何人餉我來此果難嘗

真細事祝君尋拜省郎迴

今年見代

余中笑

人間可笑事頻生晝日情多笑未遑半夜余中
潛自笑殷於手拍口無張

余中所笑雖非一第一呵呵孰最先文拙平時
遲澁者揮毫示捷貴人前

笑中第二又誰是爲吏稍貪深自秘一物入門
人盡知對人好說清於水

笑中第三女不颺鏡裏自看難自識有人報道

徐顏姝安擬正妍多作色

作一作喜

笑中第四是子身涉世無差僥倖耳直方迂闊

人皆知自謂能圓登此位

笑中第五是浮屠邂逅佳人心已寄目送飛鴻

佯不看故爲灰冷無心士

觀白樂天集家釀新熟每嘗輒醉妻姪

等勸令少飲之詩此亦類予故和之云

兒曹亦解得傾危真味何曾仔細知早失山林

長往計未忘盃酒半酣時我年雖老猶能飲浮

世長醒即大癡白首殘翁經事了如今方聽爾
言爲

丁酉十二月二十八日乞退表蒙允可
是夜喜不得寐目成長句二首奉寄李

學士百全

有用如公先限退無才愧我剩期牽

上以攸籍未滿目留

故乞退未得

賴目長假牢稱病

告假百日目乞退

果荷優恩

許得便從此自稱天放客與君同作地行仙兩
家有酒頻相喚斷送人間未盡年

備嘗榮辱得身抽驚破槐安夢裡遊鱗渚斂洲

曾寬謫鸞臺鳳閣亦優游周行世界閑僧坐遍
閨夫郎老妓休官罷偶思陳迹耳漸無一事到
心頭

十二月二十九日頌故以門下平章致
仕有作三首

擔重身孱恐易顛拜章得謝始欣然聖恩優老
猶增秩雖退難言大弛肩

宰臣班品皆雖貴門下平章號最尊如我孤寒
今得忝餘光猶足耀千孫

兩保相承兩判俱

得守太保太子大保
判禮部判翰林院事

修文

修史猶仍舊

修文殿太學士監修國史皆仍舊

如此頭銜得者

稀云何老境皆無有

戊戌元日

正朝拜賀禮皆刪只爲殘身自要安門外雀羅方可設如何賓客立盤桓

嗜睡輕拋守歲宵日高猶卧放長謠如今始得閑中詠風雪天寒免會朝

是日有雪

正日望路

謝官賀歲兩般人終日奔馳一路塵唯有忘懷遮老子大拋人事作閑身

又作

一爐烘火赭如霞
卯飲三盃面已酡
猶勝著鞭衝雪客
馬頭呵手趁朝衙

正月二日李平章仁植和予餉柿詩三

首又和予去年秋七月題中書壁上詩
一首親訪見贈復次韻奉答

眼凡那辨物精麤
納約綴誠儻肯無聞
有嗜芥
曾獻貴人誰是即今吾

右一前意

矍鑠真同老將麤
宣威沙漠似君無
身兼文虎

功名重冷淡儒冠却愧吾

右二

病裏猶披野服麤

子病中對以常服

形容與舊略同無

誰知兩府雙朱轂

時與李樞副同詩

騶哄盈門忽訪吾

右三謝訪

支體尪殘首皓皤腋扶華省厚顏多此時已有

歸休志公獨先知意奈何

辟上詩雖末句略含退意猶不顯言公見

詩即知更不省

右和中書壁詩

正月六日病稍愈有作

祿在何憂家活計

食半俸故云

病痊休要藥功夫拂

巾方脫南軒卧頻問門前有客無

人日受銀勝三首

老眼驚看縷勝新拜承天賜別生春
挿來何事

頭偏重只爲皇恩不爲銀

日爲人日勝爲人銀色還能鬪鬢銀
今歲無心

隨例受聖恩猶及退閑身

王母遺儀今尚在剪成花勝好相投
老夫不必

遵風俗爲是天恩暫挿頭

正月七日受祿

曩者居鼎司猶懼覆公餗平生無片功受祿歲
幾斛口費萬民膏身還一室伏舊物尚不遺給
此千眷玉半俸自有餘鷦鷯數粒足爲言老山
妻莫以舊眼矚用之無敢輕手必向天東餘喘
苟或存年年儻相續凡事稱有無慎勿憂口腹
唯有一段愁未繼搏中錄

賀崔相國宗峻拜侍中

兩省平章地亦魏攝官承乏或曰時侍中從古
難人授朝右如公合衆推禮絕百寮唯手拱班
高一品孰有随珥貂出入司君璽戴鰲從容眠

帝帷自昔世調金鼎味無前榮到玉林枝我緣
沉瘵稽趨賀代舌聊憑一首詩

寄李侍郎需并序織錦體

予既退居百念灰冷唯未去詩中餘債偶
得長句一篇以寓樂道送老之意末句有
趁春遊賞之約幸肯而勿忽也

殘年幸逸鳥深棲適意隨情任景西歡劇祗憂
無酒飲債餘猶負有詩題觀心正契空空了味
道真融物物齊冠弁斂還藏篋積菰茨培欲理
田畦丹心暗動芳挑艷綠眼微攢細柳低官退

始宜謀醉倒看花好約一壺提

戊戌正月十五日大雪

胡奈冬小雪至春乃盈尺麥苗潤枝遲猶愈便
無澤欲驗歲何如書之爲准的如看隴上青何
必臘前白或譬之絮鹽或况以璐璧茲惟詞人
事歌詠所自作我特書國祥但效春秋則有人
展花牋請我筆一擲前人所未道雖老儻可得

十七日又雪

頻頻六出花飛香香兩歧麥秀孰翻天上陰陽
迴作臘前時候

次韻李公需林公成幹兩學士見和前
詩伏蒙兩君閣下和予詩親訪見贈詞
各信美不覺絕倒但不循織錦體耳豈
偶忽之耶復以其體和二首奉呈李侍
郎後

以迴文二
首來贈

提攜厚意閱詩看問訊通勤慰散官低唱聽期
斟酒碧少年留欲鍊砂丹畦枯灌幸疏泉沼有
小池樹茂攀嫌冒帽冠齊復亂齊堆帙理勝還
及泉饒勝闔基觀題絨斷久人微信稍俸霑仍室洽
歡皆致仕西北東馳狂息竟栖栖舊質老尪殘

殘身養性野廬栖地卜深巖翠負西峒家負歡
到爛酣添逸思嘯餘清詠播狂題觀耽雅什韓
劉柳閑遍開書宋晉齊冠落醉忘授寢席杖藜
行倦檢園畦丹誠誓切猶身負白髮嗟深但首
低官職此生於分足看吾白奮一毫提

屏兒孫獨坐

靜坐欲澄慮兒孫鬧亂侵須防接瓦礫痛我水
觀心

正月二十九日有作

兒雛婚嫁此時終

有季男未
婚今夕歸

雖死猶甘就木

中尚子歸來猶未晚青山不肯拒衰翁

二月初一日

蕩空和氣正氤氲已入花山第六春風卷胡塵
西北去日含五色瑞華新

次韻黃驪縣宰和前詩見寄賀官

銀臺著作若爲量大手非君孰肯當又合璧宮

師訓寄一身雙縮不相妨

以國子博士直翰林院被召

又謝雉

山城遠餉惠難量三嗅慙吾義莫當不必大夫
親自射室人欣得笑何妨

次韻李學士百全見和前篇

身難自斷暫留連共道朝廷孰爾牽兩歲未停
號訴殷今朝始得退休便好斟瓊綠閑消日慵
鍊金丹苦學仙若遣曆中天許壽各遺四十有
餘年

來詩云蒙公分曆見新年予以曆中一百二十
年計之兩人餘年或四十九年或四十八年也

腰章自解首簪抽觸境無非自在遊馬馱雕鞍
甘退伏魚逃芳餌樂深游要呼歌妾如樊素更
索詩僧似貫休把酒尋春何處是綠楊堤畔杏

園頭

公詩云好菊
家釀趁春遊

次韻李平章復和前詩見寄

南遊昔日布衣麤緩惡唯公濟有無

予在鄉時

白首同寮情最密一生投分孰先吾

我如叔夜懶還麤野性於朝不若無但祝賢侯
如嗇養致君當似管夷吾

耄衰那復興情麤世味寡寡一掃無回憶少年
狂醉日夜行扶路犯金吾

江山不忌老皤皤採勝尋幽甚處多已約新城

窮遠耽提壺勿問酒如何

前者公來言海邊新築城壯觀可賞欲與

之遊故有是句

理病詩并序

予自去秋八月三十日被病如丹毒者至
今九一百三十有餘日矣衆醫界藥無數偶
用俚俗所言取海水浴之是夜便不癢而
如硬沙者皆去曰作詩遍告衆醫令愧之
去秋八月晦紅粟被渾體如丹復非丹匪疥真
如疥肥梳味甚佳梳罷酸痛倍痛之成硬沙色
似濃墨灑癢發又難忍抓作微汁潰須臾還癢
癢何異蝦蟆背比如衆小入初以甘言快笑刀
藏其中覆爲君子害謁醫皆不效棄置無可奈
偶聞俚俗言鹹水取於海一浴癢立除再浴體

清泰迺知世上醫爲術一何昧不及靈膏濟餘
威猶可賴遙向伍大夫頓首敢再拜濟人苟如
此忠憤庶可解

次韻李學士百全復如前詩來贈

兩家相貴往來連來不煩招徠一牽羣手勝饒
聊寓戲酒腸優劣亦隨便從吾口好無非道得
意而遊即是仙百歲浮生能幾許各鞭其後盡
天年

指口唯期日飲連虛襟早斷俗情牽終身學道
功何得緣督爲經計獨便久矣忘家心已佛偶

然落世骨猶仙中存不皺君如會休歎客顏化

逐年

君好見楞羅故云

換酒囊錢莫惜抽春來何處不携遊爲君作質
蒙頻新與世同波各善游暖暖姝姝翻自笑狂
狂役役始聽休逢場觸物皆禪味花月猶能落
話頭

病中塵筆暫妨抽指洗今還付醉遊殘迹似雲
雖卷欽聖恩如海是涵游接花栽藥春方樂嘯

月吟風老未休我欲更開耆舊會

近苦有此會
子亦有心故

有此

憑君先辦錦纏頭

二月向晚猶寒

烏嚙方歌舌花防欲笑顏今年四月閏堪作孟
春看

東國李相國後集卷第二

東國李相國後集卷第三

古律詩一百一首

寒食日有風無雨

戊戌年

甚雨與疾風寒節必所值天爲介子推似慰炎
焚死風以扇淒涼雨以流清泚胡奈於今年風
微雨不至天豈以日遠未必一終始更遲明年
春了知天之意

三月猶寒

二月猶嫌寒矧茲季春半非關待花忙所恐時
候反門柳搖金遶溪水破鏡晚鳥啼無好音蟲

待
本侍

出思舊窹兒童且添炭瓶醞聊可暖

三月二十日南軒偶吟

南軒獨坐負朝陽一幅紗巾五尺床
室似烏籠如可挈誰言宰相此隈藏

換身東閣寄南軒人靜何須更杜門
已著衲衣

爲長老夢中宰相莫重論

予曰號南軒長老

春日雜言三首

紅他桃李三春力綠盡郊原一雨功
和氣蕩人能不感芳情猶到老衰翁

花專向我披心赤柳欲迎誰舉眼
青景物惱情

何大逼可堪無酒也虛經

春光解展萬人眉剥取於吾只此詩不與一歡
全與瘦何須吟盡百花爲

次韻白樂天老來生計詩

殘身不省老侵尋度日唯知寬句吟但有忘憂
盈甕酒何思遺子滿籬金一錢勿蓄塵情少萬
事都拋道味深誰道吾生無長物本來明鏡在
中心

書所感

斷無與飲與題詩獨坐忘言默似癡窓下蒙衿

空嗜睡甕頭開酒暫伸眉暗思同榜皆爲鬼歷
記交遊更有誰七十衰翁猶未死不將生喜處
生疲

示子姪長短句

可憐此一身死作白骨朽子孫歲時雖拜塚其
於死者亦何有何况百歲之後家廟遠寧有雲
仍來省一迴首前有黃熊啼後有蒼兕吼古今
墳壙空累累魂在魂亡誰得究靜坐自思量不
若生前一杯濡我口爲向子姪導吾老何嘗潤
汝久不必擊鮮爲但可動置酒紙錢千貫奠觴

三死後寧知受不受厚葬吾不要徒作摸金人所取

舊鷺來

不入賓廳盡棟邊年年棲在寢房偏爲緣朝暮
桑常見去足悽悲到足憐

去秋作歸燕詩

次韻白樂天負春詩

病後身猶坐熱然非癡非醉亦非禪無端自負
芳菲節誤認春光曠此年

草沒

春草無人種何由滿地繁僮奴慎勿剪偏稱退

翁門

觀弄幻有作

造物弄人如弄幻
達人觀幻似觀身
人生幻化同爲一
畢竟誰真復匪真
俯仰頓伸具體微
孰將心匠奪天機
人緣一氣成蚩蠢
氣出還同罷幻歸

病復作

病將衰質結回緣
去復還來斷復連
老木已枯垂欲仆
幸無風拔立依然

散生吟

口中常吐散世辭手端頻作散生詩面上猶形
散生態行止動作一如之有客不知誰氏子突
然造我仍詰疑貪生忌死是物情微至蠅蚊同
此志子言散生似不誠果是誠言是何理我言
爾豈知我意吉人知足是所貴男兒作相信難
矣完名得退亦不易七十懸車斯謂終終則可
言能事已假令此身得強逗留之奚爲又奚俟
何況病與老相攻十日八九居病裏世情淡薄
滋味窮徒有空身差苦耳人間翻覆亦未知知
有何變生不意安心謝去此其時儻可得生清

勝地君知勝地是何處紫雲紅霧三天是如今
未免造物欺其生其死隨所使

次韻白樂天春日閑居

三月二十日作

春風翦芳園朝旭焙高屋兒扶行不孤客絕坐
成獨林花吐微紅庭草布深綠藝蘭三畝餘種
藥一畦足樹木添華滋昨夜新雨沐莫怪菜甲
遲吾家土少肉甘薺自生繁宜叢中吾欲攬枕
偃南窓頭髮散不束無聲娛我耳無色悅我目
聊復呼平頭洗盞酌醺醺

送春

春去去能不悲非爾負吾吾負爾適我病中遭
汝來未肯對花成一醉好去明年更相見莫把
老來將少至

四月猶寒

三春猶未可是豈大寒時已矣農家事地寒耕
校遲

次韻白樂天在家出家詩

端坐觀空萬慮澄老禪肌骨髮唯仍在家未礙
先成佛披毳何須要作僧自始腰拋丞相印迴
看心有祖師燈箇中一段堪嘲事妻置盃呼忽

錯應

次韻濟州守崔安以前所寄詩韻問訊

無貺青橘三首

莫道天涯涉海難千金身到尚何艱眼前必見

先生面已任桑榆日迫殘手夕病方愈故云

炎洲善瘡足堪珍何況西垣拜命新以古正言微來故云

往日吾詩能中否君今已向藥階春予前詩云祝君須作

省郎

殷勤青橘渡江淮不要滋脣重遠來多腐敗二

月離州今始到可憐猶帶暗香迴尚者未

次韻李平章仁植和朴侍郎細所贊詩

二首

將兵寧肯要封侯
揔爲官家再受符
戎幕幾年嚴豹
燾台階今日耀
魚鬚許容我短
君能大早識君
賢我不愚白首
尚蒙提獎厚餘
恩猶足朽抹濡

上了青雲但未侯

自謂

退來方與夙心符
將身始

可安蝸殼有手何曾放
鼠鬚閱世已嘗生
老病傾盃不擇聖
賢愚家貧尚足營
甘醴莫惜時迴
玉轡濡故公不飲

次韻李亞卿需用李平章韻寄多般菜
種二首

食菜予非有邑侯乞君蔬種到如符少年如子
寧胠手老圃宜吾正皓鬚相印解來今已久園
葵拔去反爲愚不須憑仗催詩雨波及息踰漑
灌濡來詩云生成德在何憂
況有催詩雨亦濡

園蔬播種賴君侯閱得多般與意符渴待葱畦
抽弱手行看荒架引長鬚從今勉作持鉏樂但
恐行成食草愚趁却繁滋堪佐酒邇來天許土
如濡予家土瘠
得別地稍沃

李亞卿復和來贈即席次韻贈之二首

來詩一英推一
任意故順之

何必將鯖號五侯學君養菜得神符家貧無計

充膏腹園禿方欣借賁鬚

賁六二賁其鬚謂九
二得六二以飾其鬚

又其應六五
賁于園

恐我不如爲圃老有時應作握苗

愚甕頭釀熟能來否把此猶堪到首濡

取爵曾同偶中侯竹藏未必係天符畏途不忌

搖長喙閑境如今數短鬚已喜處陰方息影何

復揭日更驚愚期君驟踐經綸地坐使蒼生沐

澤濡

詠黍飯花

俗名黍飯花細如黍米然色白未黃未熟黍米

花却纖圓色未黃較他黍粒莫相當此名休爲
饒兒說貪向林中覓飯香

土棠花

華表青玉先花秀花剪黃金後葉敷世號地棠
難會意那知不作字訛呼

次韻宋朝播禪老寄空空上人并序

宋朝禪子祖播曰歐陽伯虎東來以詩一
首寄我國空空上人無貺漆鉢五器斑竹
杖一事又名庵曰兔角手書其額以寄之

予嘉兩師千里相契之意又聞歐陽君詩
名亦復渴仰目和二首一以寄播禪老無
簡空空上人一以寄歐陽二十九贈播禪
老無簡空師

此去中華隔大瀛兩公相照鏡心清空師方結
蜂窠室播老遙傳兔角名杖古尚餘斑竹暈鉢
靈應秀碧蓮莖誰教一日親交錫共作金毛震
地聲

贈歐陽二十九

遙從千里渡滄瀛詩韻猶含山水清可喜醉翁

流遠派自言天尚教吾輩飽香名凌霄玉樹

高个文瑞世金芝擢九莖早挹英風難覲面何

時親聽咳餘聲

又以別韻贈歐陽二十九

不作朝臣作散人要為天也自由身願君萍泛

元無繫遯若三韓觀瑞麟

六一雲孫世龍馨想臨水玉映人清早知四海

皆兄弟地別何曾隔信情

問君何事索吾詩自言本國求子詩多是編苦

拙速為假若日風落中土牛童馬卒尚應欺

無酒

燥烟何事忽生喉酒盡空缸卧屋隙聞道思梅
猶止渴胡爲飲水未澆愁

燒一作寬

酒熟

酒如潮水縮還盈口似春畦枯復潤生死人心
是麴生來雖可喜歸無信

論地棠花寄李少卿需并序

世號地棠花者其花穠黃可愛未知古人
詩集中是何花也有賦之者耶又未識世
之所稱之意豈字之或訛耶因作詩一絕

云云

詩見上

明日君見訪子以此言之君曰

予所聞者昔君王之選花帝所留者曰御
留時此花見黠故名黠壇子曰予亦似有
所見而未詳者幾乎予所言而有異也俱
不可的信今皆不取以別意釋之有以慰
花之見擯之意耳

地棠地棠是何花命名之意又如何將名索實
了無謂恐此二字傳之訛人間花卉何物不由
地而於地也偏舉似色與海棠棠隸略不侔稱
之以棠亦非是君言伊昔君王乘故閑養花壇

上選花者帝所留者是御留此花見黥名黥壇
我言御留紅淡又且一時零不及穠黃竟夏開
盈盈彼豈獨留此被擣無奈聞者或未精君不
見漢宮却座慎夫人本非上意未可妨其親又
不見譴還私第揚貴妃未幾復召寵愛日逾新
花嬌不愧二妃色何必便爲君所斥黃中正色
正合人君觀我願移之上林植龍顏賞詠鏘天
韻侍臣爭和筆落如風迅狀渠姿態無遺妍爲
雪當年曾見擯

聞早雞

李方伯集卷三
昔年朝闕辨昏明枕上欣聞第一鳴自是退閑
唯嗜睡不須勤叫費虛聲

看汁酒用樂天韻

新醪壓罷強澄清所得難過四五瓶計盞計時
滋燥吻猶勝大渴望旗亭

喜雨二首

四月十七日

經春久作屯膏客到夏方施霈澤新入地未深
君莫歎一犁猶活萬千人
將抽菜甲抽何捷已綠林梢綠更新久渴膏恩
甘受濕深憎路上笠簷人

花報主人效樂天體

予雖未語將心報相國年來不樂何一笑欲供
公一笑莫辭時復把盃歌

主人答花

爾將娛我意誠嘉其奈心情索寞何年老家貧
賓客少可無盃酒對君歌

花復答

懸車半俸猶堪釀報道盃空意奈何我逐風歸
無幾日要公賒酒一高歌

主人復答

李杜詩集卷三
俸少盃空無足怪爾猶勤責又如何此時若有
攜壺客我老莫歌鸞亦歌

白酒詩一首并序

予昔少壯時喜飲白酒以其罕遇清者而
常飲濁故也及歷顯位所飲常清則又不
喜飲濁矣豈以所習之然耶近目致仕祿
減往往有清之不繼者不得已而飲白酒
則輒滯在曾蒿間不快也昔杜子美詩云
濁醪有妙理何也予昔常飲時慣飲而已
實未知妙處况今乎蓋甫本窮者也亦豈

其以習而言之耶遂作白酒詩云

我昔浪遊時所飲惟賢耳時或值聖者無奈易
昏醉及涉地位高餒濁無是理今者作退翁俸
少家屢匱綠醕斷復連篇飲亦多矣滯在曾牖
間始覺督郵鄙濁醪稱有妙未會社公意迺知
人之性與習自漸漬飲食地使然何有嗜不嗜
爲報中饋人有八慎輕費無使樽中酒不作澄
清水

次韻李亞卿需和寄地棠花詩并序

伏承佳作感荷感荷前所論地棠點壇皆

未免乎訛予更以置堂名之曰和一首

碧玉爲柯金作花此花世譜始也出從何花如
可賞安問名任却地棠黥壇訛不訛草沒荒園
不見地煌煌擢秀宛與秋菊似豈無紅杏緋桃
灼灼如蒸霞坤裳得飾獨此是君不見貴人昔
者攀折不放閑置之堂上日貪看從此始得置
堂名可笑君將混置百花壇君詩云直向
百花壇上植百花
壇中虛自零就與華堂筵上媚嫵呈豐盈此名
君勿詰我本平生命物頗能精不唯狎近六宮
金粉人黃綠漸向招衣親粉蝶初驚側翅過黃

鶚欲較刷毛新芸臺學士呼作黠壇辱渠色高
擡眼品好譏斥黃扉老相稱以置堂榮爾心豁
分爽地勤封植我於學士同襟韻十駕猶追逸
足迅及此評花雖然趣不同寵辱齊觀何者是
昇何是擯

孟夏向晚無鶚

四月垂垂晚鶚聲何大遲鳥靈知有閩平枰往
來期

次韻林亞卿成幹見和菜種詩及地棠詩

不須梨棗等於侯老學鋤園也自符要見畦蔬

森綠甕擬看村稻
鞦黃鬚營生計拙
雖堪愧憚後奴頑
亦故愚地瘠莫加
培養力苗乾方欲
引泉濡

狼狽行藏自郡侯

公昔自隣寺見流謫

中間官况頗難符

窮愁似可深磨骨
愠色猶無暫見鬚
道欲大伸先少屈
子非今智昔曾愚
飛騰路廓行無礙
會把人文却貴濡

右二首

此詩自李君一葉種一任意君亦爾故子順之

地棠

少年狂蕩好尋花
已矣如今奈老何
眼昏猶未

分五色看紅認紫轉成訛我家園畔一席地有
花黃色知何似依稀初作薔薇見有人道却世
號地棠是百花開了天始開此花方萼欲待何
人看我方拭目更貪翫恨不處以留春迎日爽
塏辟塵之瑤壇急欲邀君趁未零愧無綠醕搏
中盈妍妍真有仙子態安知不向閨風蓬島鍾
其精黠此嬌姿那有人唯昔唐皇好忌不肯親
君詩據唐皇故事言此花本地棠唐皇水命忌
黃色於醺壇去之故改曰黠壇則李君所言小
同大子獨根尋古事喚舊名花若欣然帶笑新
我性本不喜間色縱有緋丹皆欲斥中庸如子

始可有是花君家曷不曾容植賴有吾詩十四
韻賭得繪章摸狀一何迅雌黃潤色添花價坐
令御留翻被擯

借馬曾有馬
死詩

自我懸車後于今鬻馬遲出門猶有日方愧借
人騎

遊金身寺

四月二十七日致仕宰
臣等同事同會元四老

四老皤然白雪鬚相誇免蹶路崎嶇同來此寺

寧無謂各保金剛不壞軀

一作移得金
人不壞軀

次韻金壯元

莘鼎見和菜種詩來訪贈

之

平生未作富民侯，退欲營私又莫符。
理圃初期親手足，灌泉猶畏濺眉鬚。
慵誅旅草從教長坐，望繁蔬是亦愚。
不若大拋遮計，活枯腸端借筆耕濡。

解官尋拜醉鄉侯，將老糟丘望已符。
俗客難青阮籍眼，春風謾白樂天鬚。
知君早富三多學，記我猶爲一得愚。
滿把珠璣聊見貺，足教枯草得滋濡。

近有屢空之歎，日賦之。

三韓宰相幾多人我亦曾叨宰相身不是自清
他不爾如何獨未免憂貧

代人答

渠是三韓宰相官從前尸祿尚何顏公難潤國

私宜涸以道觀之是好還

老子云好還

次韻李平章

仁植

和符字韻詩見寄

願識荊州不願侯果然風韻閣相符援松共誓
曾披膽得雪誰多互將鬚自古交遊先類已以
君賢智勿嫌愚慶源同出緣猶厚况更長涵玉
德濡

解簪長揖謝公侯坐俟徵呼上帝符唯愛鶴癯

猶白質敢期松老尚蒼鬚風波險裏拋官退水

火爭中託酒愚莫囑殘人爲旱雨閑雲已卷可

堪濡

君詩云早久却嫌苗未秀
請教霖雨一濡故云

憶昔家鄉遇我侯兩心自合不須符矯擎玉硯

猶紅臉

予遊鄉時每於君家
作詩君命妓奉硯

笑把金盃各紺鬚

不露鋒鋌君得壽免爲標的我全愚悶忙路異

雖希覲筆可書懷莫戢濡

戢世偶書

閱了人間好官爵未知天上作何官三台星裏

無虛位遮箇塵緣未遽拚

家泉久涸酒亦未繼曰賦之

泉曰天旱今方涸酒爲家貧忽自拈釀斷莫供
愁肺仰汲遙難趁燥屑須醒非楚客清然者渴
豈文園病也夫炮却此身爲底物如何兩厄一
時俱

喝雨

長望天涯眼亦昏
金針看烟霧是濃雲
回頭微有
窓蟲響又作蕭蕭細雨聞

朝昏凝睇望膏恩
天更深青無片雲
小圃蔬乾

猶自憫甫田禾稿忍堪聞

龍宅江河亦國恩如何潛伏不興雲茫茫下土
微臣在號及皇天庶一聞

是夜又作

如我合爲飢死鬼無功食祿幾多年蒼生盡是
天之物何忍終今溝壑填

明日大雨復作

四月三十日

昨日題詩今日雨初疑天自答予心翻思此是
吾君力豈爲微臣冷淡吟

美矣佳哉雨散毛每霑隨作萬民膏民膏又肉

君臣體願念農家一日勞

是日又作

一日勞成千廩積天如不雨虛拋力雨能富國
能貧國一滴千金邦可直動天都在吾君德

閏四月一日

四月還爲四月天閑中舒景更留連
孟如一日傾三百孟夏今年剩九千

一作萬八千

聞鶯

猶有舊年聲欣聞曉曉鳴故姬何處在
雖到不如鶯

觀身

又值微病偶題

我欲外其身等觀樂與苦
齧指先試之十指皆
痛楚此實心使然是心安
所付不借定力觀焉
視身如土唯有隱几人
嗒然似喪耦衆窺之刀
刀始也孰號怒

御留花

把底嬌姿被御留
餘花見斥得無羞
楊妃一笑
六宮沮寵辱由來不自謀

玉梅

何人呼作玉梅傳
脉脉無心趁臘天
應忌雪中

開冷淡入春方作別般妍

薔薇

穠艷煌煌綠暗間
巧粧金粉媚嬌顏
莫曰帶刺
爲花累意欲防人取次攀

樂天云薔薇帶刺攀應懶

閏四月十一日夢遊仙作

官雖宰相少矜嚴
世眼輕看受亦甘
今日此遊
誰得見
亟還當欲向人談

夢中誤押詩字竊改此字

代人和

夢覺作

知爾真他性少嚴
好將奇誕語猶甘
神仙事密尤難洩
不曰輕乎與俗談

既和樂天詩獨飲戲作

孤斟獨詠君休笑好事何人訪
退翁酌勸杜康吟和白詩朋酒友不全空

聞東堂放榜

閏四月

四放門前桃李花今年春色屬誰家
始知無代無才傑尚有遺金撥出沙

次韻諸君所賦山呼亭牡丹并序

內殿山呼亭有牡丹盛開賦之者多矣幾

至百首

一時名臣大
夫皆賦之

予亦聞之次韻和成

九首奉寄殿主內道場天其僧統

三月千花鬪白丹滿城香轂擁街欄那知禁殿
無雙艷只許詩仙第一看露重尚憐啼怨浚日
炎深恐損粧顏托根幸是僧棲地折獻何妨佛
亦觀

花葉相依映碧丹香風披拂玉階欄莫嫌西子
芳魂在未害支郎道眼看卯酒十分醺滿臉燕
脂一顆抹渾顏等閑蜂蝶應欺我虛度青春尚
未觀

年年依舊臉猶丹堪笑王郎係檻欄

王軒詠牡丹詩云芳

華日已盛檻好殿百般花色發何殊萬喚妓兒

欄豈長存

看紅酥葩上微留捻綠玉叢間半翳顏莫學登
伽侵戒體高僧已入定中觀

委曲誰裁繡萼丹畏人攀折已施欄欲將繪句
彫章狀細撥重葩複藥看早是花王元少敵獨
於天子要承顏果能副爾芳心望玉色時時許
特觀

經年養得色深丹可喜枝齊文許欄縱有畫工
描未似須呼國色較相看嬌多似吐玲瓏語眠
重猶餘媚無顏遙挹風流心已醉情鍾如我不
須觀

宋紫姚黃豈及丹可憐妃子醉憑欄問渠若是
留情待雖老猶堪拭眼看映沼自成臨鏡笑隈
林還作隔帷顏沉香態度今如在須嗅花顚舊
客觀

薄薄纖羅厚染丹千紅羞澁定隈欄

樂天詩
憐隈欄
避

細思天巧那輕折但護仙姿約重看為被玉皇
迴笑面苦遭宮女妬嬌顏白頭猶有風情在却
問明年儻可觀

願使花含不死丹萬春長擁玉宸欄紫葩那與
紅葩敵新殿休論舊殿看

舊京山呼有紫
牡丹子嘗賦之
好事

風謀供舞態無情兩自退
酡顏地親上苑花姚
魏正合潛公眼底觀

天愛嬌姿過與丹錦房
霞萼混彤欄身如未還
爲鴛去夢亦何妨
化蝶看若得暫明
儒老眼不須更較
貴妃顏我衰堪賦
清平調無路親陪
御幸觀

端午見鞦韆女戲

國俗必端午作此戲

推似神娥奔月去
返如仙女下天來
仰看跳上方流汗
頃刻飄然又却迴

莫言仙女下從天
來往如梭定不然
應是黃鸝

擇佳樹飛來飛去自翩翩

次韻李平章仁植和山呼亭牡丹見寄

方疑猩血灑枝丹還有濃香暗襲攔
看意君能傳色肖無情花亦點頭看
風嫌宿醉微吹面露促晨粧早洗顏
若使解言能報道但期丞相日來觀

月色應疑桂色丹殷勤護影上巍欄
初誰濃染辰砂出又孰輕裁蜀錦看
幾許詞人鶯與唱不邀狂叟蝶胡顏
細思我已微仙分咫尺山呼尚未觀

日出初憐玄映丹日高還覆錦遮欄瑞香宜作
雲毬見絕艷聊將綉帶看雲毬綉帶皆牡丹名只是天心
鍾與色那回世眼更添顏花無分別人猶惑未
必嗔吾最後觀

丹禁尤宜色尚丹種花仍更設顏攔赭袍天子
時容賞紅袖宮娥痛欲看已是帝尊無與配又
將誰媚屢迴顏翻階芍藥吟應慣移向西垣特
地觀

次韻李平章復和牡丹詩見寄四首并序
伏承盛作辭語愈益妍麗反覆吟咏不已

謹復和成四首奉呈左右此詩賦者多矣
莫不窮侈極靡予恐溺於奢淫故於第三
第四篇反之於正亦詩人風雅之意也

幾人彫句極鉛丹應被姚生嘔姚品傑在

聲唱和聲吟一聯嘔已覺喉空詩老登壇誰與抗

詞臣閣筆盡羞看登公未不於國色曾留意肯向

名花巧倣顏我道非公詞獨妙吳娃越艷慣相

觀公稍有花柳之興故云

右一亭言公之盡情於此花

詩人豈但驕霞丹無限深情寄一欄未及臉潮

醺欲遍已將肝錦炤相看流年不駐紅紅面名妓

紅張紅好句唯留眇眇顏若欠醉翁當日詠殿前

嬌艷後誰觀

右二 言詩人摸
步之妙

憶昔西施醉頰丹吳王殿裏倚紅欄似聞隨得

鴟夷去何事今於鳳閣看坐一兩巧讒難解語王軒

牡丹詩西尚餘舊習好矜顏吾皇勤餘穡遊幸

付與遊人自在觀

右三 此篇
反正

年年何似此時丹往日人空今日欄韓公牡丹
詩今日欄

邊

暫可醉同賓友賞不須裁到子孫看

羅鄴壯
丹詩云

云

但聞豪宅誇姚魏未信妖姿誤孔顏

古人壯
丹詩云

顏巷安貧
買錢

莫問數苞猶在否任渠留待舍人觀

右四上同

東國李相國後集卷第三

東國李相國後集卷第四

古律詩九十八首

贈四度門生及第并序

戊戌五月十一日四度門人等大開華宴
慰予之懸車閑逸及酒酣於席上賦長句
一篇以謝厚意萬一耳

四年龍榜鑄門人較却胎分義等親老境還供
非分樂此生應有未窮日招呼愛子叅高會揀
選交朋作上賓好箇雨雲朝暮態問吾桃李後
先春錦花枝重猶教挿玉醅盃深屢請巡興逸

衰顏翻欲少感多清淚拭逾新不唯榮到懸車
叟無恐謹傳秉筆臣異日諸君當似此速提文
柄放鸞頻

坐客李學士百全李亞卿宗曾見和即

席復次韻

出吾門下盡聞人不瑟而和不凍親莫道四三
年內事實由千百劫中因將予玉笋盈階士誇
向金章滿座賓瑤管慢吹情更暢霞觴罄吸面
還春但知丞相侵昏去那有金吾禁夜巡今日
歡遊明日散徃時陳迹此時新一盃歌倒紅腰

老二紀飛騰白髮臣此會平生真罕有臨分數
爵莫辭頻

卽席醉贈名妓御留歡

豈准吾輩鬢成斑紅粉年來換舊顏到處逢渠
猶綠髮長春應爲御留歡

次韻李學士石全和贈御留歡詩二首

眩眼華筵錦繡斑倡兒擁坐闌紅顏門生叢裡
吾宜樂不意賢侯許一歡

青樓風味頗窺斑老去無心翫玉顏猶有些些
餘習在一枝花畔寄清歡

次韻其日座客李諫議世華和親字韻

詩見寄二首

飲中招伴豈無人獨引金蘭宿昔親
久挹清風深有素莫嫌明月至無回
感他當代詩壇將作我門生宴席賓
玉盞連斟霞液醕瓊簪滿插露葩春
落終檀板猶教拍舞罷榴裙更遣巡
進士盤筵遮箇足老夫情興一何新
多君勉逐佯狂輩是日忘爲大諫臣
續寄清詩論繾綣悵然懷舊滯零頻

與公俱是不羈人目擊當年便約親
道德相磨

知友益襟期自合不媒回年雖少我宜爲第義

可尊之待以賓紫井坊中狂使酒

君所居洞名予喜往醉其

宅

紅娘巷裏醉尋春

予昔與君醉訪一妓其妓名有紅字者古亦有紅娘

莫嗟顏色無何變看取光陰幾許巡
膝凍心堅猶似舊雪霜頭白免如新
君兒又作吾門士他日當爲大用臣
回首平生無一歎但期携手極往來
頻

五月十七日四門生等和前詩來貺置
酒與飲即席復和二首贈之

前後飛揚四膀入天然自作鴈行親
豈無他日

皆超捷同出吾門是宿曰折簡招邀遮老灌肆
筵迎迓似嘉賓滿盃瓊液觴中露一笛梅花意
外春更荷清詩千百鍊欲嘗深味再三巡珠探
鮫室穿何妙錦囊龍拔織轉新聞說當時喧物
議盡從汝輩出名臣驚臺鳳閣無多級但向雲
梯舉足頻

當初爲國選賢人漸作私田及已親片玉不遺
搜盡取良金未害積相因我今踈散同殘物誰
復招迎齒大賓獨也爾曹猶記舊欲於老境持
迴春滿斟仙酒爭爲壽願閱天年不筭巡耳冷

忽驚絲竹隱眼寒未慣綺羅新心知已欠瓊琚
報口祝唯期鼎勳臣兄躍弟隨俱遠到及予身
在得看頻

五月二十三日題家泉二首

并序

家有寒泉若四月五月必一經大雨然後
湧出盈沼自爾後非大旱不涸至九月乃
停非黃潦非源泉莫知其故也

初因雨出晴恒湧認有源渟秋必焦我道此泉
非地有天應賜我禦炎歆

大熱要寒水泉流必此時此時吾富貴盈并又

盈池

六月三日李侍郎需金杜元辛昂來訪

和家泉詩飲席次韻

昔帶君恩長不渴

未敢仕時

近無家醞忽然焦如今

又被何人督鳴玉珊珊不待敲

四出難勝障盈盈溢井時初嫌歧作派終喜撓

歸池

兩君見和復次韻

池盈妄擬成滄海水渴還疑有沃焦不是靈虬

磻石底冷中邦有氣敲敲

說文云敲敲氣出貌

主人詩作癖未有暫停時泉水莫誇漲乾予一
硯池

又和

縱有清流冰雪冷尚憊炎日石金焦一看瓊樹
方知爽不是泉防暑氣歎

哥矣李夫子浴蘭專一時龍頭今始見應兆躍

鱗池

壯元官微故云

六月七日訪朴學士仁著家以詩嘲深
縮不出遊

故人家宅合相過何事深藏似縮蛙應有小蠶

樊素在朝昏貪聽柳枝歌

家畜一妓故云

明日用此韻寄朴學士借伽倻琴

閑門永日不堪過空聽園蛙兩部蛙見借秦箏

加耶琴秦箏類也

言已重

前日象見借之言

請君魚寄弄彈歌

三弄一作叶

六月八日既得加耶琴始彈

二首示朴學士

舊譜渾忘了

凡不彈七年

新聲未自翻唯餘數三弄

隨指似將言

盡金檀柱鴈行連較得秦箏欠一絃錦瑟減絃

君會否誰知此亦有由然

次韻朴學士仁著和蛙字韻詩三首

冒熱衝霖得得過

是日

狂吟初獨和鳴蛙

是日先於

置酒作此韻詩

感君手自親琴弄更喚家僮為唱歌

不思殘景隙駒過下急時時似怒蛙

通來於家好是怒

無限家中不平事一時消盡玉人歌

臨行一高歌大豁鬱

情故云

感子能容故舊過不將牡菊屏喧蛙飲中號叫

猶狂態拙手彈箏亂好歌

又次學士和侍郎朴細乞菊裁詩韻二首

耐寒何獨解敷華寧且枯黏不落沙都為重陽

浮酒盞不然二月作春花風來萼萼香堪掬霜
重妍妍色倍加乞與一叢同姓宅依依尚自戀
君家

數朶初栽翠茁華日培膏土肉枯沙已憑春力
能抽葉胡借秋權始放花護養恩深根漸固形
容詩好價偏加重陽底處登高飲唯恃風流學
士家

贈丁秘監

而安求墨君

二首六日
十二日

大手何曾擇重輕
所出淺未害
寫琅璫此君真性
君偏識豈爲卑低地不生

幾人豁捨雪紈輕乞得吾公竹一莖我特親情
將硬紙唯思此足度餘生

初食朱李

月六日十二我始食朱李新邑無此物知自舊
京至凡物仰舊京舊京難遽棄經宿遽至茲半
已訛色味此亦空能得所以價翔耳數箇是自
殮再喫安可冀留核種亦宜吾生能有幾

六月十五日池上

三首

雨惡泥深莫嘯倚蘭亭古事已難修

我國以此
日為喪飲

未能免俗猶浮髮

俗以此日
為流頭日

任送霜蓬汚鏡流

泉豈人人得有哉殷勤求索始流盃吾家生致
盈盈沼反渴常來友不來

我家有酒堪招客何處無泉可泛觴

目雨未出
又無客

都是雨師防樂事天教孤負此辰良

出遊不如閑居

閑悶思出遊出遊安所適出遊未得意不若守
幽僻天許退懸車欲使處家宅何必如繫馬意
在馳九陌我家不乏酒但待敲門客客來雖得
飲亦值吟詩厄

六月二十五日理南軒二首

自擬今年上界遊南軒頽廢不曾修頑然鶴骨
猶無恙洒掃還圖且復留

人道狂癡遮長老

予曾號南軒長老

筭家推步頗曾知

如何錯計仙遊日已棄南軒更理爲

屢食朱李

六月二十七日

老齒反嗜酸

通來憚喫飯唯好酸物

是亦病所自前者始

食李

六月二十日

再食本非意今已慣嘗之棄擲未

甚貴誰肯餉閑門以祿糴諸市乃知市中事邀
利忘生死天上星猶摘矧茲人力致舊京雖隔
江盡致而後已自古百果中齊名者棧李方朔

之於挑偷來只三耳我今食李多曼倩定難似
適意即仙物仙凡何必議

寄朴學士還加耶琴

二首以長日難消
借之期以秋奉還

加耶琴類古秦箏多感君侯借與情舊譜忘來
難協律百彈方記兩三聲

長日難消借得箏及期還寄未忘情絃絃古在
歸應道手拙吾何作巧聲

又次韻朴學士揔和前詩親訪見贈

二老相將暫見過

今朝典李學士同
旋去留之不得

笑予池廢

付羣蛙

兩君笑予又
日熱則入然何以復焉

適來旋去緣

何事爲欠青蛾勸酒歌一

肉食當年分已過豈同韓老稍烹蛙通來亦屏

腥膾物通來不舊癖難除只醉歌

右二首初訪詩

李老遺孫鬢亦華青牛猶未渡流沙愧予空嗜

忘憂物羨子長雉乃解語花二事尋常如得際兩

翁歡樂各何加更聞鄰有彈箏手垂柳陰中蘇

小家

右一首不乞菊詩韻今公所述不以菊子亦順之

家有倡兒始學箏君妓年未工於箏我如久假大無情

但期置酒頻相喚與聽朱絃落玉聲

書生不必事琴箏只箇吟詩愜雅情自別哀絃
何遣憫時吹林葉當筵聲

右二首還琴詩

檀拍常交碎花裙慣對翻一來殘更手似作怨
咨言

何用區區鳳髓連本施園客繭絲絃

本期絃盡
則加絃還

之然終亦不
絕故不爾

一聲尚足寬愁緒孤負前期我不

然

君復送琴予
前期不受

又上同

七月三日食林擒

摘來不待霜肌硬肉未柔由予嗜酸果勉食不能休欲吐不得吐如梗掛其喉云何老人舌反落兒所求此亦舊京物幾人爭先搜孰忍計其熟坐候霜深秋

拯墮酒蠅

汝似讒人吾固畏不妨權許共盃卮墮來輒死真堪惜莫忘殷勤拯溺慈

又有黃蛾墮觴輒死

不獨赴燈火還工墮酒盃秋花多小蕊香豈不

如醅

七月五日寄家園後小庵寫經閣闌

予往

遊居僧皆不知
來作詩寄之

早攀丹桂歷華資位踐黃扉亦不早始憶牧之
遊古寺姓名猶欠一僧知

其僧見和復次韻戲贈

麻谷禪棲足自資

聞自麻谷來

如何來寄小庵卑空

門無檢今方識一首詩中律莫知

七夕詠雨

七夕少不雨予莫知其故靈匹將成歡雨師應

自如欲教烏鵲侶
雷重落中路假令橋未成
河水不可渡寧且泳而歸
此夕難虛度明年若復
雨忍可長懷慕

是日李學士百全與同年李先輩見訪
飲席走筆贈之叙舊

隴西學士是謫仙
早振詩名雷海內
星山逸老

亦達人李先輩歸耕星山無慮四十餘年不迹京師今因事暫來
手握靈珠

甘自晦俱是河東門下生三人俱出柳公門下
同榜于今

五十載其間存者知無幾
三人得遇真意外光

陰不駐如東流
新新故故日相代
人生離合若

難言各宜珍重今日會且可乘昏倒載歸勿拘
三爵油油退

又一絕別贈李先輩

聞蹈京塵日許多如何不訪故人家尚難終棄
同年舊一頂烏紗肯見過

登家園遙聽樂聲即作詞漁家傲

鱗錯萬家遙可按玉樓高處寒羅幔應是筵開
紅錦爛方望斷唯聞風送金絲慢緬想倡兒揜
露腕嬌顏捧酒流微盼日脚垂歆人不散遮老
漢灰心煽起那堪亂

次韻丁秘監寫墨竹四榦無和前詩來
贈并序

昨冒恥以硬牋乞墨竹公笑不受特以金
粉紙掃四榦無和前詩親訪見貺不勝榮
荷復次韻四首奉寄

淡黃金紙薄雲輕掃出森然碧玉莖何必鮫人
綃似雪從今亦貴楮先生

千金墨畫已非輕更貺清詩響音六莖願以明公
心竹出移之賢祖腹松生

一莖露重一風輕老硬尤憐飽雪莖還有新筠

已離立似嫵人道是旁生

露竹風竹
老竹新竹

此君爭肯入毫輕必待通身作竹莖竹是君身
君是竹歲寒一節共平生

又以長篇二首求墨竹與寫真并序

予旣以紙本蒙掃與墨竹四莖人或非之
曰丁君之竹非紙本所受且宰相雖貧何
至乏其尺絹而迺爾耶予以爲然索得麋
素一段非特求此君蕭洒之姿亦望寫老
夫不颺之貌伏惟許肯云

求墨竹

竹本吾所愛愛之兄弟亞所以見其真翫惜靡
暫捨丁君於此戲聲價滿夷夏爭持雪色純或
未得一朶我以硬牋求餘生謂足過詩前其實
家本貧買絹苦擡價多君不之訾四榦一揮寫
一榦蒙露濡一榦困風簸一榦老且折大葉猶
不墮一榦新解籜雖弱能遠跨畫品非關地信
義非不可翻思友執間撫掌必笑我孰於巨官
人而謂貧非詐一涉鄙吝論慙顏得不赭謀婦
得麋素未識從誰借雖非淵客工豈落楮生下
請復掃一莖予豈孤恩者

求寫真

子之於墨君已得三昧手餘勇貌音人真妙絕
真真偶我貌大不颺馮之安所取古今摹人影
不必論美醜所貴留典刑永永示于後不然聖
與賢殆不若鳥獸爲獸猶且盡翫之置左右予
雖么麼軀歷位足馳驟慕道亦云深心地了無
垢年亦過七旬似可謂之壽怡然乞身退所樂
唯琴酒笑哉復何疑天地一閑叟馮之尚不妨
以此卜然否

又一絕重乞寫真

吾詩與君竹無處不同到人得君竹多幸若寫其真身還蒙手造

家圃六詠

園蔬不灌亦繁生黃淡花間葉間青日取愛薑又莖無脛走勿論高下掛瑤瓶

右蔬

浪紫浮紅奈老何看花食實莫如茄滿畦青郊蕪顏郊生喫烹嘗種種嘉

右茄

得將曹允宜三復食漬鹽堪備九冬支根蟠地底

差肥大最好霜刀截似梨

右菁

纖手森擯戢戢多兒童吹却當簫笳不唯酒席
堪爲佐茗功腥羹美味更嘉

右葱

公儀拔去嫌爭利董子休窺爲讀書罷相閑居
無事客何妨養得葉舒舒

右葵

剖成瓢汲冰漿冷完作壺盛玉醕清不用蓬心
憂孰落先於差大亦宜烹

右執

觀菁蟲上壁化蝶

暮見青身么朝看粉翅新
俄將食葉翬換作啞
花唇

次韻歐陽二十九和前詩見寄

前詩在集第三

後卷

家在金鰲頂上瀛
神仙風骨本來清
紅塵放謫
韜光彩冊錄分明記姓名
詞麗春花敷錦萼
節貞寒竹卓琅莖
一篇贈我真奇絕
流入韶鈞中
五聲

次絕句三首韻

長思入室近蘭馨猶恐將塵污鏡清未作一龍
深託契空將雙鯉屢傳情

中華天子不能臣遣作浮雲放浪身折簡招君
吾豈敢可羈而致即非麟

詞人比興本於詩何獨裁雲剪月爲歆反正聲
歸雅頌兒曹蝸聒好相欺

自嘲

度日兩三盃許酒涉年一百首餘詩蕭蕭然白髮
老居士誰謂曾經鼎鼐司閑思七十年前事視

穴前頭夢覺時

謝門生趙廉右留院持加耶琴來貺
自我退閑居日用謀所適適意只琴書這外少
耽惜晚嗜古秦箏好之如好色曲度雖未諧聊
以寫吾臆於家素不蓄未免從人覓殷勤門下
賢知我心所索手把一張來價與千金直的是
嶧陽村其聲最清激下手試一彈淙若泉落石
淅亦豈本有必扣岳公得爲我謝岳公得琴忘
寢食消遣積年愁一旦如水釋

捫虱 三首

宰相長捫虱非予更有誰豈無爐火熾投地是
吾慈

雖云貧宰相未至如面矣何必若尋來捫搜煩
我手

汝亦無所寄以我爲之家無我則無是益發有
身嗟

又捫虱

跳捷莫如汝瀕喪去貧尋心能知瘡處這這手
猶擒

加耶琴回風自鳴二首

置琴當北戶風過自然鳴
暗向靜中聽依倚天
樂聲

我今忘舊譜只解弄絃鳴
風亦欺吾妄虛彈曲
外聲

次韻星山李先輩和前詩來贈

先生超放麟難羈豈落人間銜
勒內朝廷欲官
競不受蹤迹雖藏名不晦問君歸隱今幾年
笑
道吾無心筭年載花開是春木落秋日月皆吾分
別外君亦問我今何官從宦勞身又幾代我言
歷位已四朝作相偶緣時命會心慙累重顏莫

卷之六 詩 後集 四
擡但喜當年曾勇退

又次絕句韻

孟盤甚薄披顏多猶作蕭然措大家羅雀門前
人北首非君誰肯再經過

次韻趙留院和前詩來呈

嘗聞古之人所嗜各有適嗜畫或貪翫嗜石或
偏惜或嗜於賞馬喜品驪色或嗜闔雞戲看
碎錦繡臆予嗜在此琴求之靡由覓感子謹愿
心雪予殷勤索安得千金賞纏頭不論直連呼
柔指彈商角聽相激然後倣其聲粗能協竹石

予詩志譜
曲故云

子詩亦堪歌詞韻信雙得咀嚼至再

三何啻八珍食寓意亦云深當付絃絃釋

次韻朴中舍

文秀

和予贈子堦謝加耶

琴詩來訪見贈

所樂非真樂獻笑與造適於物各循好不然不
容惜我性雅好琴非酒亦非色樂亦在其中足
宣心腦臆借人旋復還無處不煩覓問君何從
知中予痛需索玉潤真可人吾門稱諒直侯我
切所須與君微有激君即豁見投鼓之聲裂石
手曠嬾久游眼明喜新得况復味珍篇似非烟

火食彈琴又詠詩愁思一時釋

次韻金東閣

冲義

和此詩來贈

我琴無節奏五音俱失適手生猶喜彈指禿略
無惜免似杜夔工公宴作難色任人聞不聞貴
我洩幽臆雖欲學之入之人亦難覓君子於德
聲必本絃上索粗厲與嘽緩莊成及廉直宣聲
者器耳感實由中激子詩細評論豈獨辭潤石
爪肉清濁理問君何從得彈予近目脫爪以肉指
爪時君詩詳此理以予近方諳如味舊嘗食由
未知何從得也其中吾心勿要譜家釋

次韻門生梁信成見和

身不得美厚古人謂闕適耳目亦身官獨忍不
爲惜耳欲聞好聲目欲見曼色吾老堪忘懷氣
或鬱於臆悅耳莫如琴偶從門人覓子本該聖
書墳典及丘索儒家作司南已指大道直况此
章句中騁筆宜電激和我詠琴詩椎却蘊玉石
抵鵲無奈輕狂爲予所得觀子富貴詞當享萬
戶食更益鍛鋒鉉慎勿須臾釋

次韻趙廉石復和

老境求虛心捨道將安適尚欲遺其身外物何

有惜謂已大忘情無復徇聲色胡奈至哀彈未
忍淚霑臆而於大壑中反事琴箏覓時汝是美
莊不愧煩徵索拙彈不如無捨去於理直手不
與心期時觸絃交激徒然作聲耳何異敲片石
翻思無此弄子詩何以得孔子鼓琴歌七日不
火食况我猶不飢一日何曾釋

次韻復和朴中舍

憶昔少壯時翫好隨意適如今興闌珊一物無
所惜勞心久已灰敦洽視國色看書睡輒來書
卷橫置臆有時要圍碁敵手何遠覓愁來暮酒

孟自向山妻索忽然思此琴有賣期與直賴君
持送似感荷情深激我本少風情心似吳兒石
况是任意彈本非從師得誰能勸我休寧我空
飽食但喜夫子詩如代琴心釋

次韻李百全學士復和內字韻詩見寄

六合之外置莫論吾與夫子游方內死生壽夭
付自然譬觀晝夜相明晦平生事業於分足雲
漢飛騰亦幾載虛心漸欲游物初跂足何曾求
券外羸劉顛蹶子何言
君詩云羸顛
劉蹶真一快其後紛更
非一代興亡酬酢何時窮此理無人能自會吾

儕不用談古今飲酒正宜秋暑退

昔君先我解腰章愧我猶居韁鎖內我能相踵
告歸休宴息隨時方嚮晦曾於宦海同浮沉得
喪榮枯三十載幸今各處安閑中萬事已拋擲
檢外莫教留野一點累好遣光陰互推代一門
超出妙蓮花喜君近者得冥會元明本覺若廓
開對境前塵從此退

君近好
讀楞嚴

次韻李需侍郎和加耶琴詩來贈

老夫愛客心非必謝李邁門閑客自稀有酒何
曾惜獨坐無與語愁痕露面色或爲世故乘塵

土日滿臆有以一琴貽償我多年覓忘却舊彈
詞期於兩部索子幸投聲詩音節協謫直調高
信可愛弄澁無哀激是亦一癖病所理非鐵石
好之未自工名手但要得妓樂辦何難雖貧倚
廩食要且喫紅裙坐致幽懷釋

次韻李需侍郎饋桃 八月十三日

仙祖餐餘必種園知君真箇伯陽孫尹喜內傳云老子與

王母共食碧桃投來愧欠瓊瑤報但欲招邀倒一樽

聞道君家好理園君好理園多種名果名蔬果栽仙果見生

孫從來嗜食真吾性有此何須要酒樽子儒嗜酸果

琴譜卷四
八月十五日彈琴有作

我今散弄雖無曲只爲長彈聲頗熟自彈自聽
遣日耳不然老境奚爲此予旣官高年亦耄何
處隨人趁音節

窮宰相

午天然大火難覓宰相窮曷不來相見於斯有
一翁

次前所寄絕句韻贈歐陽二十九伯虎
并序

予昔登第之年嘗與同年遊通濟寺予及

舊本
有下
字句

四五人佯落後徐行聯鞍唱和以首唱者
韻各賦四韻詩此既路上口唱非有所筆
而亦且以爲詩人常語便不復記之也其
後再聞有人傳云此詩流入中國大爲士
大夫所賞其人唯誦一句云塞驢影裏碧
山晚斷鴈聲中紅樹秋此句尤其所愛者
予聞之亦未之信也後復有人能記一句
云獨鶴何歸天杳杳行人不盡路悠悠其
首落句則皆所不知也予雖未至聰明亦
不甚推鈍者也豈其時率爾而作略不置

意而偶忘之耶昨者足下訪予有坐客言
及此詩自問之曰相國此詩傳播乃國信
乎君遽對曰不唯傳播皆作畫簇看之客
稍疑之君曰若爾予明年還國可賣其畫
及此詩全本來以示也噫果若子之言則
此實非分之言非所敢當也雖然義不可
虛受耳欲備東還時儻記吾詩不忘向之
二段事以是次前所寄絕句最後一編韻
寄之其必以此者此詩本起於目君之求
予詩所作也今之所贈亦頗相類然爾惶

恐云云

慚愧區區一首詩一觀猶足又圖爲雖知中國
曾無外過自爲辭恐或欺

此邦猶少愛予詩中國何人肯許爲更作畫圖
雖似誕觀君惇信不應欺

家有衆鷄匝宅啄蟲予惡而斥之曰有

詩自三言
至七言

朱朱公

昔朱氏公化雞曰號朱朱


好啄蟲予不忍視斥勿使

通汝莫怨我爲好生本所期我今退老踈散不
卜朝天早晏豈要聞渠報曙聲貪眠尚欲避窓

明

東國李相國後集卷第四





集國相子十四